



Siverth K. Heilmann

UPA 2024/118

Atassut

2. Maj 2024

**Eqqumiitsuliortut eqqumiitsuliornikkut suliaqartillutik akissarsiaasa B-Indkomstitut tigusunnaalersillugit periarfissaqalernissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

Siullermik siunnersuuteqartumut qujarusuppunga, Atassummiilu naatsumik oqaaseqarfigissavara.

Soormitaavaana eqqumiitsuliortut immikkut akileraartinniarsarigigut? Imaanngitsoq oqilisaataasumik immikkut, kisianni killilersuisumik immikkut akileraartittarpagut.

Aatsaaginnaq partiit allat oqaaseqaataanni eqqumiitsuliornerooq anersaakkut tarnikkullu nukittorsaataavoq, kinaassutsitsinnut pingaarutilik, kultooritsinnullu osv osv. Takuarsi, eqqumiitsuliorneq sunngiffimmi suliassaannartut, tarnikkullu nukittorsaataannartut isiginiarneqartuuartillugu siuarsaruminaappoq.

Taamaammat ukiorpassuarni politikkerit iluareqqusaarutiguartigalugu suliassani kingulliuttuartaarpat, allat inuussutissarsiutitaammata salliuttaramikkit. Siunnersuuteqartoq assut isumaqatiginarpoq oqarmat eqqumiitsuliornerooq inuussutissarsiutitut isigisariaqalerparput.

Uteqqissavara, eqqumiitsuliorneq inuussutissarsiutitut isigilertariaqarparput.

Taamaammat aamma namminersortutut allatuulli cvr-eqarlutillu suliffeqarfinnut akiligassanik nassiussinnaasariaqarput.

Atassummiit siunnersuut tamakkiisumik taperserparput, ataatsimiititaliamullu innersuullugu.

Qujanaq.